

**O'ZBEKISTON RESPUBLIKASI
XALQ TA'LIMI
VAZIRLIGI**

100017, Toshkent, Navoiy ko'chasi, 2a-uy
Tel.: (+998) 71 241-01-86; (+998) 95 479-99-08
web-site: www.uzedu.uz, e-mail: uzedu@exat.uz



**MINISTRY OF PUBLIC
EDUCATION OF THE
REPUBLIC OF UZBEKISTAN**

2a, Navoiy Street, Tashkent, 100017
Tel.: (+998) 71 241-01-86; (+998) 95 479-99-08
web-site: www.uzedu.uz, e-mail: uzedu@exat.uz

2021-й. «10» март

№ 02-05/4-758

«__» __ 2021 г.

**Қорақалпоғистон Республикаси
халқ таълими вазири, Тошкент
шаҳар халқ таълими бош
бошқармаси ва вилоятлар
халқ таълими бошқармалари
бошлиқлари ҳамда вазирлик
тасарруфидаги таълим
муассасалари раҳбарларига**

Ўзбекистон Республикаси Президенти Администрациясининг 2021 йил 1 мартдаги “Мамлакатимизда маънавий-маърифий соҳада янги тизим яратиш, жойларда тарғибот-ташвиқот ишларинининг самарадорлигини оширишга кўмаклашиш бўйича Республика экспертлар гуруҳи фаолиятини ташкил этиш тўғрисида”ги АФ-213-сонли фармойиши раҳбарлик ва ижро учун юборилмоқда.

Илова: __ варақда.

**Вазирнинг биринчи
ўринбосари**

У.Шарифходжаев



O'ZBEKISTON RESPUBLIKASI
PREZIDENTI ADMINISTRATSIYASI

F A R M O Y I S H

2021 yil « 4 » _____ март _____ АФ-213son

**Мамлакатимизда маънавий-маърифий соҳада
янги тизим яратиш, жойларда тарғибот-ташвиқот
ишларининг самарадорлигини оширишга кўмаклашиш бўйича
Республика экспертлар гуруҳи фаолиятини ташкил этиш тўғрисида**

Ўзбекистон Республикаси Президенти Ш.М. Мирзиёев раҳбарлигида 2021 йил 19 январь куни Республика Маънавият ва маърифат кенгашининг видеоселектор тарзида ўтказилган мажлисда берилган топшириқлар ижросини таъминлаш мақсадида:

1. Куйидагилар:

Мамлакатимизда маънавий-маърифий соҳада янги тизим яратиш, жойларда тарғибот-ташвиқот ишларининг самарадорлигини оширишга кўмаклашиш бўйича Республика экспертлар гуруҳи (кейинги ўринларда – Экспертлар гуруҳи) таркиби 1-иловага мувофиқ;

Мамлакатимизда маънавий-маърифий соҳада янги тизим яратиш, жойларда тарғибот-ташвиқот ишларининг самарадорлигини оширишга кўмаклашиш бўйича Республика экспертлар гуруҳи тўғрисидаги низом 2-иловага мувофиқ тасдиқлансин.

2. Экспертлар гуруҳининг асосий вазифалари этиб куйидагилар белгилансин:

мамлакатимизда мавжуд ижтимоий-маънавий муҳитни ҳудудлар кесимида ўрганиб бориш, таҳлил қилиш ва мавжуд муаммо ҳамда камчиликларни бартараф этиш бўйича зарур чора-тадбирлар белгилаш, таклифлар тайёрлаш;

маънавий-маърифий ишларни тизимли йўлга қўйиш, тарғибот-ташвиқот ишлари самарадорлигини ошириш бўйича норматив-ҳуқуқий ҳужжатлар лойиҳаларини бевосита ишлаб чиқиш, шу жумладан уларни тайёрлашда иштирок этиш;

илғор хорижий тажрибани ўрганган ҳолда маънавий-маърифий ишларни ташкил этиш ва тарғибот-ташвиқотнинг замонавий, таъсирчан усуллари яратиш;

маънавий-маърифий, тарғибот-ташвиқот ишларини олиб борувчилар учун тегишли мавзулар бўйича маърузалар, тарқатма материаллари (инфографика, буклет, медиа маҳсулотлар ва бошқалар) тайёрлаш;

аҳоли ўртасида, таълим ташкилотлари, корхона, муассаса ва маҳаллаларда Республика Маънавият ва маърифат кенгаши ҳамда ҳудудий маънавият ва маърифат кенгашлари мажлисларида қабул қилинган қарорлар ижросини жойларга чиққан ҳолда тизимли ташкил этилишига кўмаклашиш;

ҳудудларда маънавият ва маърифат бўйича янги тизимни жорий этиш бўйича амалга оширилган ва келгусида режалаштирилган ишлар ҳолатини жойига чиқиб ўрганиш ҳамда амалий-услубий ёрдам кўрсатиш;

ҳудудий маънавият ва маърифат кенгашлари фаолияти ҳамда маънавий-маърифий ишлар самарадорлигини ошириш бўйича ҳудуд ва соҳа хусусиятларидан келиб чиққан ҳолда тавсиялар ишлаб чиқиш;

давлат ва жамоат ташкилотлари, таълим муассасалари, маҳаллалар ва меҳнат жамоаларининг маънавий-маърифий йўналишдаги фаолиятини мониторинг қилишга кўмаклашиш;

амалга оширилган тарғибот ишлари ва мониторинг натижалари юзасидан таҳлилий маълумотлар тайёрлаб, Республика Маънавият ва маърифат кенгашига тақдим этиб бориш.

3. Вазирлик ва идоралар раҳбарлари Экспертлар гуруҳи таркибига киритилган мутахассисларнинг тегишли масалалар юзасидан муҳокамаларда қатнашиши, белгиланган муддатларда ҳудудларга хизмат сафарига юборилишини таъминласин.

4. Республика Маънавият ва маърифат маркази Экспертлар гуруҳи аъзоларини моддий рағбатлантириш ва уларнинг хизмат сафарлари билан боғлиқ харажатларини “Маънавият ва ижодни қўллаб-қувватлаш жамғармаси” маблағлари ҳисобидан қоплаш чораларини кўрсин.

5. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Экспертлар гуруҳининг хизмат сафари чоғида самарали фаолият кўрсатиши учун зарур шароитларни яратсин.

6. Мазкур фармойишнинг ижросини назорат қилиш Ўзбекистон Республикаси Президентининг маслаҳатчилари Х.М. Султонов ва А.А. Абдувахитов зиммасига юклансин.

Ўзбекистон Республикаси
Президенти Администрацияси
раҳбари



З.Низомиддинов

**Маънавий-маърифий соҳада янги тизим яратиш,
жойларда тарғибот-ташвиқот ишларининг самарадорлигини
оширишга кўмаклашиш бўйича Республика экспертлар гуруҳи
таркиби**

- | | |
|--------------------|--|
| 1. Д. Кенжаев | - Ўзбекистон Республикаси Президенти маслаҳатчиси ўринбосари, <i>Экспертлар гуруҳи раҳбари</i> |
| 2. М. Ҳожиматов | - Маънавий ва маърифат маркази раҳбари, <i>Экспертлар гуруҳи раҳбари ўринбосари</i> |
| 3. А. Маврулов | - Ўзбекистон Республикаси Президенти Администрацияси масъул ходими |
| 4. М. Қуронов | - Маънавий ва маърифат маркази раҳбарининг биринчи ўринбосари |
| 5. Ш. Сирожиддинов | - Алишер Навоий номидаги Тошкент давлат ўзбек тили ва адабиёти университети ректори |
| 6. А. Зиё | - Фанлар академияси Тарих институти директори |
| 7. Н. Холбўтаев | - Ёзувчилар уюшмаси раисининг биринчи ўринбосари |
| 8. Ш. Ризаев | - “Ўзбеккино” Миллий агентлиги директорининг биринчи ўринбосари |
| 9. Э. Шукуров | - “Маънавий ҳаёт” журнали бош муҳаррири |
| 10. Ж. Эшонкулов | - Алишер Навоий номидаги Адабиёт музейи директори |
| 11. М. Бекмуродов | - Ўзбекистон Республикаси Президенти Администрацияси ҳузуридаги Давлат бошқаруви академияси кафедра мудири |
| 12. А. Мухторов | - Тошкент давлат иқтисодиёт университети профессори |
| 13. В. Эшқувватов | - Низомий номидаги Тошкент давлат педагогика университети профессори |
| 14. Қ. Назаров | - Тошкент ирригация ва қишлоқ хўжалигини механизациялаш муҳандислари институти профессори |
| 15. Э. Қодиров | - Тошкент давлат юридик университети профессори |
| 16. У. Абдуллаев | - Тошкент тўқимачилик ва енгил саноат институти маънавий-маърифий ишлар бўйича проректори |

17. О. Мусурмонова - “Маҳалла ва оила” илмий тадқиқот институти биринчи ўринбосари
18. Х. Норкулов - “Маҳалла ва оила” илмий тадқиқот институти бош илмий ходими
19. Ҳ. Даминов - Вазирлар Маҳкамаси ҳузуридаги Таълим сифатини назорат қилиш давлат инспекцияси Таълим сифатини баҳолаш бўйича халқаро тадқиқотларни амалга ошириш Миллий маркази директори ўринбосари
20. Р. Қўчқоров - Тошкент давлат юридик университети доценти
21. М. Ортиқов - Ўзбекистон Миллий университети доценти
22. О. Давлатов - Тошкент давлат шарқшунослик университети доценти
23. М. Қахарова - Халқаро Ислом академияси бўлим бошлиғи
24. О. Бозоров - Олий ва ўрта махсус таълим вазирлиги бошқарма бошлиғи
25. Х. Умаров - Тошкент давлат шарқшунослик университети доценти
26. Ў. Ғойимов - Касаба уюшмалар федерацияси раисининг маслаҳатчиси
27. М. Усмонов - Инсон ҳуқуқлари бўйича миллий маркази ходими
28. М. Юнусов - Ўзбекистон Республикаси Президенти Администрацияси ҳузуридаги Давлат бошқаруви академияси доценти
29. Ж. Пўлатов - Жаҳон тиллари университети катта ўқитувчиси
30. Ж. Шермухаммедова - “Маърифат” тарғиботчилар жамияти аъзоси

**Мамлакатимизда маънавий-маърифий соҳада янги тизим яратиш,
жойларда тарғибот-ташвиқот ишларининг самарадорлигини оширишга
кўмаклашиш бўйича Республика экспертлар гуруҳи тўғрисида
НИЗОМ**

1-боб. Умумий қоидалар

1. Ушбу Низом Мамлакатимизда маънавий-маърифий соҳада янги тизим яратиш, жойларда тарғибот-ташвиқот ишларининг самарадорлигини оширишга кўмаклашиш бўйича Республика экспертлар гуруҳининг (кейинги ўринларда – Экспертлар гуруҳи) вазифалари ва функциялари, таркиби, фаолиятини ташкил этиш ва иш тартибини белгилайди.

2. Экспертлар гуруҳи мамлакатимизда маънавий-маърифий соҳада янги тизим яратиш, жойларда тарғибот-ташвиқот ишларининг самарадорлигини ошириш, бу борада ҳудудий Маънавият ва маърифат кенгашларига кўмаклашиш, фаолиятини баҳолаш ва маслаҳатлар, илмий-методик тавсиялар бериш бўйича жамоатчилик гуруҳи ҳисобланади.

3. Экспертлар гуруҳи ўз фаолиятида Ўзбекистон Республикаси Конституцияси ва қонунларига, Олий Мажлиси палаталарининг қарорларига, Президентининг Фармонлари, қарорлари ва фармойишлари, Республика Маънавият ва маърифат кенгаши қарорларига ҳамда Вазирлар Маҳкамасининг қарорлари ва фармойишларига, ушбу Низомга, шунингдек, бошқа қонун ҳужжатларига амал қилади.

4. Экспертлар гуруҳи ўзига юкланган вазифалар ва функцияларни амалга оширишда давлат органлари ва ташкилотлари, маҳаллий ижроия ҳокимияти органлари, жамоат бирлашмалари, эксперт ҳамжамиятлар ва бошқа ташкилотлар билан ўзаро ҳамкорлик қилади.

5. Экспертлар гуруҳининг таркиби Ўзбекистон Республикаси Президенти Администрацияси томонидан тасдиқланади.

2-боб. Экспертлар гуруҳининг вазифалари ва функциялари

6. Қуйидагилар Экспертлар гуруҳининг асосий вазифалари ҳисобланади:

Республика Маънавият ва маърифат кенгашига кўриб чиқиш учун тақдим этиладиган ҳужжатларни ишлаб чиқиш, келишиш ва киритиш;

вазирлик ва идоралар, маҳаллий давлат ҳокимияти органлари ҳамда жамоат ташкилотларининг маънавий-маърифий соҳадаги фаолиятини эзгулик ва инсонпарварликка асосланган “Миллий тикланишдан – миллий юксалиш сари” ғояси асосида мувофиқлаштириш;

маънавий-маърифий йўналишдаги ишларни тизимли йўлга қўйиш, тарғибот-ташвиқот ишлари самарадорлигини оширишга қаратилган меъёрий-ҳуқуқий, илмий-амалий ҳужжатлар лойиҳаларини тайёрлаш;

ҳудудий маънавият ва маърифат кенгашлари, вазирлик ва идоралар билан биргаликда жамият ҳаётининг барча соҳаларида туб ўзгаришларни амалга ошириш орқали мамлакатдаги ижтимоий-маънавий муҳит барқарорлигини ва халқ фаровонлигини таъминлашга қаратилган таклифлар ишлаб чиқиш;

ҳудудларда маънавий-маърифий фаолият мазмун-мундарижасини илмий асослардан келиб чиқиб, тубдан янгилаш, унинг кўлами ва қамровини кенгайтириш;

аҳоли ўртасида, таълим муассасалари, корхона ва ташкилотлар ҳамда маҳаллаларда Республика Маънавият ва маърифат кенгаши мажлисида кўтарилган масалалар, берилган топшириқлар мазмун-моҳиятини кенг тарғиб қилиш ва уларнинг ижросини жойларга чиққан ҳолда илмий асосда ўрганиб бориш;

соҳадаги ишларни мувофиқлаштиришнинг ягона тизимини яратиш борасида олиб борилаётган ишларни ўрганиш, мавжуд муаммо ва камчиликларнинг бартараф этилишига амалий ёрдам кўрсатиш;

ҳудудларда, вазирлик ва идораларда маънавий-маърифий ишларнинг янги тизимини яратиш бўйича ишлаб чиқилган “йўл хариталари” доирасида амалга ошириладиган ишлар ҳолатини жойларга чиққан ҳолда ўрганиш ҳамда амалий-услубий ёрдам кўрсатиш;

ҳудудлар, таълим муассасалари, маҳаллалар ҳамда ишлаб чиқариш корхона ва ташкилотларида маънавий-маърифий ишларни замон талабларидан келиб чиқиб ташкил этилишига кўмаклашиш;

ҳудудий Маънавият ва маърифат кенгашлари фаолияти ҳамда маънавий-маърифий ишлар самарадорлигини ошириш бўйича ҳудуд ва соҳа хусусиятларидан келиб чиққан ҳолда тавсиялар ишлаб чиқиш;

давлат ва жамоат ташкилотлари, таълим муассасалари, маҳаллалар ва меҳнат жамоаларининг маънавий-маърифий йўналишдаги фаолиятини мониторинг қилишга кўмаклашиш;

амалга оширилган тарғибот ишлари ва мониторинг натижалари юзасидан таҳлилий маълумотлар тайёрлаб, Маънавият ва маърифат кенгашига тақдим этиб бориш;

жамиятнинг барқарор ривожланишига тўсқинлик қилаётган таҳдидлар – эл-юрт тақдирига лоқайдлик, маҳаллийчилик, коррупция, уруғ-аймоқчилик, оилавий қадриятлар ва ёшлар тарбиясига эътиборсизлик, масъулиятсизлик ва бошқа иллатларнинг барча кўринишларига қарши кескин ва муросасиз муносабатни шакллантириш бўйича таклифлар ишлаб чиқиш;

Ўзбекистон Республикаси қонун ҳужжатларига мувофиқ Экспертлар гуруҳи фаолиятига тегишли бошқа вазифаларни амалга ошириш.

7. Экспертлар гуруҳи унга юкланган вазифаларга мувофиқ қуйидаги асосий функцияларни амалга оширади:

худудий маънавият ва маърифат бўлим ва бўлинмалари масъуллари билан илмий-амалий тренинглар ўтказди;

мамлакатимиздаги мавжуд ижтимоий-маънавий муҳитни худудлар кесимида ўрганиб боради, таҳлил қилади ва баҳолайди, мавжуд муаммо ҳамда камчиликларни бартараф этиш бўйича зарур чора-тадбирлар белгилайди;

масъул вазирлик, идора ва жамоат ташкилотлари вакилларида иборат таркибда соҳага оид ишчи гуруҳларнинг таркибини шакллантиради ва фаолиятини йўлга қўяди;

Экспертлар гуруҳига юкланган вазифаларни амалга ошириш учун зарур бўлган ахборотни, ҳужжатларни, маълумот ва материалларни давлат органлари, маҳаллий ижроия ҳокимияти органлари ва хўжалик бирлашмаларидан белгиланган тартибда сўров асосида олади;

Экспертлар гуруҳи таркибига ўзгартириш киритиш юзасидан Ўзбекистон Республикаси Президенти Администрациясига таклифлар киритади;

зарур ҳолларда Экспертлар гуруҳи йиғилишларида иштирок этиш учун вазирликлар ва идораларнинг вакиллари, шунингдек, Экспертлар гуруҳи таркибига кирмаган олимлар, масъуллар ҳамда мутахассисларни жалб қилади;

ўзига юкланган вазифалардан келиб чиқиб бошқа функцияларни бажаради.

3-боб. Экспертлар гуруҳи таркиби ва унинг фаолиятини ташкил этиш

8. Юкланган вазифа ва функцияларни бажариш мақсадида Экспертлар гуруҳи раҳбари:

Экспертлар гуруҳи йиғилишларига раислик қилади;

Экспертлар гуруҳи иш режасига таклифлар киритади;

Экспертлар гуруҳи йиғилишларини чақиради, йиғилишларда муҳокама қилиш учун масалалар тайёрланишини ва таклифлар ишлаб чиқирилишини йўлга қўяди;

жойларда маънавий-маърифий ишлар самарадорлигини ошириш бўйича амалий, илмий-услубий ишларни ташкил этади, шунингдек, ҳар ойда Ўзбекистон Республикаси Президенти Администрацияси раҳбариятини уларнинг бажарилиш жараёнидан хабардор қилади;

мамлакатимиздаги ижтимоий-маънавий муҳит ҳолатини яхшилашга оид таклифларни ишлаб чиқиш ҳамда жойларда уларни амалга ошириш жараёнида Экспертлар гуруҳи иштирокини таъминлайди;

ўз ваколатлари доирасида бошқа функцияларни бажаради.

9. Юкланган вазифалар ва функцияларини бажариш мақсадида Экспертлар гуруҳи раҳбари ўринбосари:

Экспертлар гуруҳининг раҳбари билан йиғилишларнинг муддатлари, ўтказилиш жойи ва кун тартибини шакллантиради;

Экспертлар гуруҳи аъзоларини йиғилишнинг муддати, ўтказилиш жойи ва кун тартиби бўйича хабардор қилади, уларни зарур материаллар билан таъминлайди;

Экспертлар гуруҳининг баённомаларини юритади, йиғилишлар ўтказилишини ва йиғилиш қарорлари ижросининг назоратини юритади;

йиғилиш қарорлари, тайёрланган таклиф ва тавсияларни Республика ва ҳудудий Маънавият ва маърифат кенгашларига, ижрочиларга етказиши;

Экспертлар гуруҳининг фаолияти натижалари бўйича илмий асосланган, таҳлилий ҳисоботлар, материаллар тайёрлайди.

10. Юкланган вазифалар ва функцияларни бажариш мақсадида Экспертлар гуруҳи аъзолари:

Экспертлар гуруҳи, Республика ҳамда ҳудудий Маънавият ва маърифат кенгашларининг йиғилишларида иштирок этади;

Республика ҳамда ҳудудий Маънавият ва маърифат кенгашларининг йиғилишларида муҳокама қилинадиган масалаларга доир таклиф ва тавсиялар киритади;

Республика ҳамда ҳудудий Маънавият ва маърифат кенгашларининг йиғилишлари қарорлари ижроси бўйича Экспертлар гуруҳи раҳбарига маълумот тақдим этади;

Экспертлар гуруҳи йиғилишининг кун тартиби ва масалаларни муҳокама қилиш тартиби бўйича таклифлар киритади;

Экспертлар гуруҳининг йиғилишларига материалларни тайёрлашда иштирок этади;

худудлардаги ижтимоий-маънавий муҳит ҳолати, жойларда олиб борилаётган маънавий-маърифий ишлар самарадорлиги ва натижаси бўйича Ўзбекистон Республикаси Президенти Администрацияси раҳбариятига киритиладиган таҳлилий материалларни тайёрлашда иштирок этади.

Экспертлар гуруҳининг ўз вақтида ва самарали ишлашини таъминлаш бўйича бошқа функцияларни ҳам бажариши мумкин.

4-боб. Экспертлар гуруҳи фаолиятини ташкил этиш тартиби

11. Экспертлар гуруҳи ўз фаолиятини йиғилиш, Республика ҳамда ҳудудий Маънавият ва маърифат кенгашлари билан маслаҳатлашув, ҳамкорлик шаклида амалга оширади. Экспертлар гуруҳининг йиғилишлари ҳар чоракда камида бир марта ўтказилади.

12. Экспертлар гуруҳининг йиғилишлари Экспертлар гуруҳи раҳбари, Республика ҳамда ҳудудий Маънавият ва маърифат кенгашлари раислари, Республика Маънавият ва маърифат маркази ташаббуси асосида чақирилади.

Республика ҳамда ҳудудий Маънавият ва маърифат кенгашлари ҳамда Экспертлар гуруҳи йиғилишлари учун материалларни тайёрлаш Республика Маънавият ва маърифат маркази томонидан амалга оширилади.

13. Экспертлар гуруҳи Ўзбекистон Республикаси Президенти Администрациясига Республика ҳамда ҳудудий Маънавият ва маърифат кенгашлари билан ҳамкорликдаги иш натижалари бўйича ҳар чоракда ҳисобот киритиб боради.

14. Экспертлар гуруҳи норматив-ҳуқуқий ҳужжатлар талаб қилинадиган масалалар юзасидан тегишли таклифларини Ўзбекистон Республикаси Президенти Администрациясига киритади.

15. Экспертлар гуруҳининг йиғилишларида кўриб чиқилган масалалар ва қабул қилинган қарорлар ва таклифлар баённома шаклида расмийлаштирилади.

16. Экспертлар гуруҳининг йиғилишларида қабул қилинган қарор ва таклифлардан норози бўлган Экспертлар гуруҳи аъзолари ва ҳудудий Маънавият ва маърифат кенгашлари раислари тегишли қарор қабул қилинган кундан бошлаб 5 иш куни мобайнида ўз таклифлари ёки фикрларини ёзма равишда Республика Маънавият ва маърифат марказига тақдим этишлари мумкин.

17. Экспертлар гуруҳи аъзолари “Маънавият ва ижодни қўллаб-қувватлаш жамғармаси” маблағлари ҳисобидан моддий рағбатлантириб борилади.

